

# Powšitkowne WOZJEWJENJA

njedźelu, 18. měrca 2018

## Přiležnosć k swjatej spowědži w Róžeńće

sobotu, 24. měrca 17.00 – 18.00 hodź.	farar M. Anders, farar W. Sćapan, farar D. Dzikiewicz, farar B. Jakubaš
póndźelu, 26. měrca 18.30 – 19.30 hodź.	farar M. Nawka, farar T. Dawidowski, farar G. Nawka, farar J. Magiera
wutoru, 27. měrca 18.30 – 19.30 hodź.	farar M. Anders, farar D. Dzikiewicz, farar G. Wornar, farar St. Börner

Přeco sobotu je do Božeje mše za lud a kraj, kotraž so we 8 hodź. zahaji, přiležnosć k swjatej spowědži.

## Hłowna zhromadźizna TCM

Předsydstwo Towarstwa Cyrila a Metoda z.t. (TCM) přeprošuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu zhromadźiznu póndźelu, 19. měrca, do Ralbic. Započnjemy w 19.00 hodź. z Božej mšu w cyrkwi. Přizamknje so zhromadźizna na „Radlubinje“. Sčěhowacy dnjowy porjad je předwidžany:

1. zahajenje
2. wólba nawody zhromadźizny
3. rozprawy předsydstwa, nawodow korporacijow a sekcijow
4. financna rozprawa TCM a Katolskeho Posoła
5. rozprawa rewizijneje komisije
6. diskusija a schwalenje rozprawow
7. informacije k namjetej postajenja noweho pomnika z bózžneho Alojsa Andrickeho
8. diskusija
9. zakónčenje / modlitwa

Do a po hłownej zhromadźiznje změja člonojo składnosć, swój lětny přinošk we wysokosći pjeć eurow zapłaćić.

## Kak džěći aktiwnje zapřijeć

Čestnohamtscy pomocnicy a dalši zajimcy ze serbskich wosadow su na přednošk pod heslom „Kak džěći za Boha zahorić?“ přeprošeni. Referent za džěćacu pastoralku Drježdžansko-Mišnjanskeho biskopstwa Stephan Schubert nawjaza wutoru, 20. měrca, na swój přednošk z lońšeho nowembra a chce so na tutym wječoru mjez druhim prašenju wěnować, kak móhli so džěći aktiwnje do Božeje mše zapřijeć. Započatk je w 19.30 hodź. w Don Boskowym domje we Worklecach.

## **Młodźina kroči po křižowym puću**

Serbscy młodostni budu bołmončku, 25. měrca, w Ralbicach zhromadnje stacije křižowe-ho puća rozpominać. Započatk je w 14 hodź. w cyrkwi. Přizamknje so swačina. Wšitcy su wutrobnje přeprošeni.

## **Zhromadny dzeń za 5.a 6. lětnik**

Dekanatne dušepastyrstwo přeprošuje šulerki a šulerjow 5. a 6.lětnika štwórtk, 5. apryla, wot 9 do 15 hodź. pod temu „Jutrowne symbole“ do Don Boskoweho domu we Worklecach. Zajimcy njech so prošu hač do srjedy, 28. měrca, pod telefonowym čislom (03 57 96) 88 707 abo přez mailku worklecy-kise@gmx.de přizjewja. Za wudawki dnja zběra so wobdžělnski přinošk we wysokosći štyrjoch eurow.

## **Klepotawki na předań**

Blidar Pětr Handrik z Worklec poskićuje klepotawki, zo by so klakanjebice wulki pjatk a swjatu sobotu wot džěći dale pěstować móhło. Zajimcy měli so pola njeho přizjewić, telefonowe čisło (03 57 96) 96 575.